



# STRYN KOMMUNE

## MØTEBOK

SAK	ORGAN	MØTEDATO
FO 117/06	Formannskapet	16.08.2006
KS 053/06	Kommunestyret	12.09.2006

Ref: 06/756 -2 Ark. 010  
Sakshandsamar: Anders Heggdal

### Endringer i vallova - høyring.

#### Presentasjon:

Kommunal og regionaldepartementet har sendt på høyring forslag til endringer i vallova. I tillegg inneheld høyringsnotatet nokre tema der det ikkje er forslag om lovendringar, men der departementet ynskjer høyringsinstansane sitt syn. Høyringsfristen er 20. september 2006.

#### Lovgrunnlag, reglar, føresegner, plandokument:

Vallova av 28. juni 2002.

#### Aktuelt sakstilfang:

##### Vedlagt saka:

- Høyringsnotat om endringer i vallova motteke 30.06.06.

##### Ikkje vedlagt:

- Oversendingsbrev d.s. 20.06.06.

#### Saksopplysningar:

I oversendingsbrevet av 20.06.06 oppsummerar kommunal- og regionaldepartementet forslaga sine til endringer som dei vil ha uttale til, slik:

##### "A. Det foreslås følgende lovendringar:

1. Kommunen v/valgstyret sørger for at det blir sendt ut valgkort til alle stemmeberettigede som er manntalsført i kommunen, og som har bostedsadresse innenriks (unntatt Svalbard og Jan Mayen).

2. Forhåndsstemmeperioden skal avsluttes:  
innenriks: Siste torsdag før valgdagen  
utenriks: Fredag en uke før valgdagen
3. Frist for å søke om å få avgi stemme ved ambulerende stemmemottaking må ikkje settes senere enn siste torsdag før valgdagen.
4. Forhåndsstemmegivningene må vere kommet inn til valgstyret innen kl. 20 første tirsdag etter valgdagen.
5. Velger som er ukjent for stemmemottaker, skal legitimere seg. Dersom velgeren ikke har legitimasjon, kan identiteten bekreftes av en annen person over 18 år som legitimerer seg.
6. Foreløpig opptelling skal foretas ved manuell telling av stemmesedlene. Foreløpig opptelling av stemmesedlene kan likevel foregå ved et edb-teknisk system dersom det benyttes et annet system enn ved den endelege opptellingen.
7. Kontrolltelling av stemmesedlene pga. avvik mellom foreløpig og endelig opptelling skal foregå manuelt.
8. Foreløpig opptelling av stemmesedler avgitt på forhånd kan starte søndag før valgdagen.

#### B. Andre tema:

Departementet ønsker høringsinstansenes syn når det gjelder:

1. Skjæringsdato for manntallet.  
Problemstilling: Kan skjæringsdatoen forskyves fra 31. mai til 30. juni i valgåret uten at dette vil gjøre det vanskelig å sende ut valkort ?
2. Valg og politiske meningsmålinger:  
Problemstilling: Bør det innføres restriksjoner når det gjelder mediernes adgang til å publisere meningsmålinger de siste dagene før valgdagen ?”

#### **Vurdering:**

Ut frå erfaringane i Stryn kommune gjennom mange valavviklingar vil vi kommentere endringsframlegga punkt for punkt:

#### A. Føreslegne lovendingar:

1. Valkort.  
Departementet gjer framlegg om lovfesting av utsending av valkort.  
Sist valkort vart utsendt til alle var ved Stortingsvalet i 2001 og då stod departementet for utsendinga. Sidan har det vore ei frivilleg sak.  
Ved førehandsrøysting innanriks har det vore krav om valkort. På valtinget har det ikkje vore krav om valkort.

I Stryn kommune har det ikkje vore utsendt valkort sidan valet i 2001.

Valkort til førehandsrøystinga har vi skrive ut frå valprogrammet etter behov. (Trykking og utsending av valkort til ca. 5200 røysteføre i Stryn kommune vart i 2005 kalkulert til ca kr. 6,-/kort (trykking og porto) eller totalt kr. 31.200,-.) Valkortet er ei påminning til veljarane om det føreståande valet, og det gjev informasjon om kvar veljaren er manntalsført og at veljaren på valdagen må røyste i denne kommunen. Valkortet gjev også informasjon om vallokale og opningstid.

På valtinget i 2005 var det 12 personar som røysta utan å stå i manntalet i Stryn kommune. Desse røystegjevingane måtte forkastast. I 2001 då valkort var utsendt, var det tilsvarande talet forkasta røyster på 5.

Etter rådmannen si vurdering bør det ikkje innførast lovbestemt krav om utsending av valkort. Dette må framleis vere ei frivilleg ordning slik som i dag.

2. Avslutting av perioden for førehandsrøysting.  
Innanriks: Forslag – siste torsdagen før valdagen.  
    Ved siste val – siste fredagen før valdagen.  
Utanriks: Forslag – fredag ei veke før valdagen.  
    Ved siste val – siste fredagen før valdagen.

Rådmannen er samd i at dei føreslegne endringane vil gje betre sikkerheit for at røystegjevingane kjem fram til rett valstyre til rett tid.

2. Ambulerande røysting:  
Forslag: Siste frist for søknad om ambulerande røysting vert siste torsdagen før valdagen.

Rådmannen har ingen merknad til denne endringa.

3. Når må førehandsrøystene vere framkome til valstyret ?  
Forslag: Innan kl. 20:00 første tysdag etter valdagen.  
Ved forrige val: Innan valdagen kl. 20.00. (Ved Stortingsvalet 2001 var fristen kl. 24:00 første tysdagen etter valdagen).

Lenging av denne fristen vil føre til at det vil ta lenger tid før det endelege valresultatet vert klart.

Når det vert lagt opp til at førehandsrøystinga skal avsluttast tidlegare enn ved tidlegare val, så kan det etter rådmannen si vurdering ikkje vere trong for samtidig å forskyve tidspunktet for når tid røystegjevingane skal vere framkomne til valstyra. Fristen bør bli verande som ved valet i 2005.

4. Legitimering.  
Forslag: Veljar som er ukjend for røystemottakaren skal legitimere seg. Dersom veljaren ikkje har legitimasjon, kan identiteten stadfestast av ein annan person over 18 år, som legitimerar seg.  
Ved siste val: Røystemottakaren kan forlange at ukjent veljar legitimerar seg.

Rådmannen har ingen merknad til denne endringa.

5. Førebels teljing av røystesetlane.  
I Stryn kommune vert førebels teljing av røystesetlane gjort manuelt, og forslaget til lovendring vil ikkje føre til endringar.

6. Kontrollteljing ved avvik mellom førebels og endeleg teljing av røystesetlane. I Stryn kommune føregår kontrollteljingane manuelt, og forslaget til lovending vil ikkje føre til rutineendingar.
7. Førebels oppteljing av førehandsrøyster. Forslag: Førebels teljing av førehandsrøyster kan starte søndag før valdagen. Ved siste val: Førebels teljing kan ikkje starte før valdagen.

Rådmannen har forståing for at større kommunar kan ha trong for å starte førebels teljing av førehandsrøystene på søndag før valdagen og har ikkje sterke innvendingar mot dette, men risikoen for offentleggjering/lekkasjar vil nok auke når teljinga startar tidlegare.

I Stryn kommune vil det etter rådmannen si vurdering vere lite aktuelt å starte førebels teljing av førehandsrøyster søndag før valdagen sjølv om det skulle bli opna for det.

#### B. Andre tema:

1. Skjeringsdato for manntalet. Forslag: Skjeringsdato 30. juni i valåret. Ved siste val: Skjeringsdato 31. mai i valåret. (Litt lenger tilbake var skjeringsdatoen 31. mars).

Ved å flytte skjæringsdatoen fram til 30. juni vil ein nok sikre at litt fleire av dei som bur i kommunen på valdagen vil ha røysterett i kommunen (fleire flyttemeldingar vil vere registrert).

På den andre sida vil fristen for trykking og utsending av valkort (om det vert lovpålagt) bli kort.

Rådmannen sin konklusjon er difor at skjæringsdatoen kan endrast til 30. juni dersom utsending av valkort framleis vert ei frivilleg sak. Om ikkje bør skjæringsdatoen framleis vere 31. mai.

2. Val og politiske meiningsmålingar.

Etter rådmannen si vurdering er det ikkje trong for restriksjonar når det gjeld media sitt høve til å publisere meiningsmålingar dei siste dagane før valdagen.

#### **Rådmannen sitt framlegg til vedtak:**

Stryn kommunestyre visar til rådmannen sine kommentarar under avsnittet vurderingar ovanfor og sluttar seg til dei konklusjonane som er trekte der.

#### **Handsaming i Formannskapet 16.08.2006.**

#### **FO-117/06 Vedtak:**

Rådmannen sitt framlegg vart samrøystes vedteke.

## Handsaming i Kommunestyret 12.09.2006.

### KS-053/06 Vedtak:

Formannskapet sitt framlegg vart samrøystes vedteke.

---

Sign.

  
Harald Rishes

- sekr. -

### Utskrift sendt til:

Kommunal- og regionaldepartementet, postboks 8112 Dep, 0032 Oslo